



# Kerneier Lyrik

Seite 1

## Mädchen

---

### Die Kerneier Madle... von Peter Gärtner

Sie waare fromm, gflink  
Un fleißich,  
Sie henn fruh gheirat,  
Nett erscht mit dreißich.  
Sie waare freindlich, luschtich  
Un allweil frooh,  
Far ins Wertzhaus un in die  
Kerich henn sie sich schee oo'g'zooch'.

Dr scheenschi un teierschi  
Stoff hott misse heer,  
Un war grad gut gnung,  
Die Madle henn sich gsagt,  
Mr is nar ohmool jung.  
Unnrnand henn sie viel glacht  
Un waare gut glaunt.  
Die Buuwe henn sich als  
Gwunnrt un driwr gstaunt.  
Mit zwölf Jahr sin sie schun  
Aus dr Schul alli raus,  
Alli Arweite henn sie noot  
Glernt, die uffm Feld un die im Haus.

Uff am Feld: Ruweroppe  
Un Dischtlsteche,  
Im Schnitt mithelfe un  
Im Kukruzbreche.  
Im Spootjahr beim  
Ruwerausmake,  
War ko Kloonichkeit un  
Nett zum Lache.  
Im Wintr Laab un Stroh  
Helfe hoomfahre,  
Do hott's als kalti Händ  
Gewe un steifi Aahre.

Uffsteige henn sie misse  
In Allrherrgottsfruh,  
Gnau wie die Knechte  
Un jedr Baurebuu.



# Kerneier Lyrik

Seite 2

## Mädchen

---

Als erschetes henn sie noot  
Dr Melchkiwl ausgeschwenkt,  
Die Kieh gfudrt, gmoolke un  
Hinnrher g'tränk.  
S' Gfliegel un die Sei henn  
Sie a misse v'rsarje,  
Oveds gnau so, wie jedr  
Marjet.

Tags iwr henn sie als  
Misse zum Gwelwr laafe,  
Spautzwichs, Gwertznägl  
Un noch anres Sach ei'kaafe.  
Wann a Madl bei uns in  
Kernei heiratsfähig war,  
Des war so mit sechzehn bis  
Zwanzich Jahr.  
Noot hott sie gwisst,  
Wie'mr Gäns roppt  
Un wie'mr Gatsche stoppt.  
Wie'mr Brot backt un Gulaatsche  
Odr Terristrudl un Bogaatsche. Mottr mich weckt.